

NO. SOALAN: 21

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

**DARIPADA : DATUK DR. MAKIN @ MARCUS MOJIGOH
[PUTATAN]**

TARIKH : 7 NOVEMBER 2017

RUJUKAN : 10305

SOALAN :

**Datuk Dr. Makin @ Marcus Mojigoh [Putatan] minta MENTERI
DALAM NEGERI menyatakan:-**

- a) berapa ramaikah penduduk sah negara Malaysia, terutama sekali dari kalangan penduduk luar bandar yang belum mendapat kad pengenalan diri; dan
- b) usaha dan tindakan Kerajaan untuk memastikan hanya rakyat Malaysia yang tulen sahaja yang akan mendapat kad pengenalan diri walaupun termasuk dalam kes pendaftaran lewat.

JAWAPAN:

Tuan Yang di-Pertua,

- (a) Berdasarkan rekod Jabatan Pendaftaran Negara (JPN) sehingga 10 Oktober 2017, seramai 844,650 orang warganegara Malaysia yang berumur 12 tahun dan ke atas masih belum mendapatkan Kad Pengenalan (MyKad).
- (b) Kementerian ini melalui JPN sentiasa proaktif dan berhati-hati dalam memastikan hanya individu bertaraf warganegara Malaysia dikeluarkan dengan MyKad. Ini terutamanya bagi permohonan daftar lewat Kad Pengenalan daripada individu berumur 16 tahun atau lebih yang mana mereka tidak pernah memiliki Kad Pengenalan serta berada di Malaysia sepanjang tempoh tersebut. Dalam hal ini, antara kaedah yang dilaksanakan oleh JPN terhadap pemohon adalah seperti berikut:-
- (i) mestilah hadir bersama penganjur (penyokong permohonan) semasa mengemukakan permohonan di JPN;
 - (ii) mengemukakan borang keterangan oleh ibu atau bapa atau penjaga;
 - (iii) mengemukakan Surat Akuan Berkanun;

- 31
- (iv) melalui sesi temuduga;
 - (v) mengemukakan dokumen-dokumen asas serta sokongan seperti Cabutan Daftar Sekolah atau tidak bersekolah, gambar ahli keluarga dan sebagainya yang boleh menyokong kepada permohonan tersebut; dan
 - (vi) keputusan permohonan dipertimbangkan oleh Jawatankuasa Permohonan Daftar Lewat Kad Pengenalan.

Soalan (22)

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN

TARIKH : 7 NOVEMBER 2017
[SELASA]

DARIPADA : YB TUAN SIVAKUMAR VARATHARAJU
NAIDU
[BATU GAJAH]

SOALAN :-

YB TUAN SIVAKUMAR VARATHARAJU NAIDU [BATU GAJAH] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan tindakan Kementerian mengatasi masalah banjir kilat yang kerap berlaku di Taman Kledang Permai dan Taman Arkid, Menglembu akibat projek pembinaan Segi Universiti Kolej. Apakah pampasan yang diberikan kepada mangsa banjir yang mengalami kerugian harta benda akibat banjir kilat.

39

Jawapan :-

Tuan Yang DiPertua,

Untuk makluman Ahli Yang Berhormat, banjir kilat yang berlaku di kawasan tersebut adalah disebabkan oleh penurunan hujan berlebihan berbanding hujan biasa di kawasan itu selain daripada masalah perparitan yang tidak sempurna. Antara tindakan yang telah diambil adalah menaik taraf longkang dan sistem saliran di kawasan tersebut. Antara kerja-kerja naik taraf yang dibuat pada tahun 2017 adalah seperti berikut:

- (i) Membaik pulih longkang di Lengkuik Tambun Permai 2, Rancangan Perkampungan Tersusun (RPT) Batu 4, Tambun, Majlis Bandaraya Ipoh, Perak dengan kos sebanyak RM420,000; dan
- (ii) Membaik pulih sistem saliran di Jalan Tembusu Kg Dato` Ahmad Said Tambahan 2, Majlis Bandaraya Ipoh, Perak dengan kos sebanyak RM80,000.

Melalui semakan Kementerian dengan Majlis Bandaraya Ipoh, tiada pampasan diberikan kepada penduduk di kawasan berkaitan memandangkan banjir yang berlaku bersifat sementara.

Kementerian Kesejahteraan Bandar,
Perumahan dan Kerajaan Tempatan

Oktober 2017